

Codex Laureshamensis Teil: Bd. 1, Einleitung, Regesten, Chronik Nr. 42 (Reg. 3520)

In nomine sanctae et individuae trinitatis. Hludouvicus divina faevnte gratia rex. Notum esse volumus omnibus sanctae dei aecclesiae fidelibus nostrisque, presentibus scilicet et futuris, qualiter nos ob amorem domini nostri Iesu Christi, et pro anima pii genitoris nostri, et pro mercedis nostrae augmento, quasdam res proprietatis nostrae concedimus ad monasterium dictum Lauresham, quod est constructum in honore sancti Nazarii venerabilis mris. Christi, cui nunc venerabilis abba Waltherius preest, hoc est in pago nuncupato Lobodengouue, locum quendam qui nominatur Aberinesburg, sicuti ipsum carissimae coniugi nostrae Liutgardi hucusque prestitum habebamus, et quicquid ad ipsum locum iure ac legitime pertinere uidetur, cum domibus, edificiis, mancipiis, vineis, campis, agris, pratis, pascuis, silvis, cultis et incultis, aquis aquarumve decursibus, uis et inuis, accessibus et adiacentiis, finibus, exitibus, et regressibus. Hec igitur omnia iam dicto abbati ad prefatum monasterium, et fratribus ibidem domino famulantibus, in proprietatem et dominationem perpetuam condonavimus, et iussimus eis fieri hoc nostrae auctoritatis preceptum, per quod volumus firmiterque precipimus, ut de his omnibus nunc et deinceps omni tempore liberam habeant potestatem faciendi quicquid eis placuerit, quatinus eos pro nobis, coniuge, proleque nostra, misericordiam domini melius exorare delectet. Et ut hec nostrae concessionis auctoritas firmior habeatur, et per futura tempora a fidelibus nostris melius credatur, et diligentius observetur, manu propria nostra subter eam firmavimus, et anuli nostri impressione assignari iussimus. Signum Hludouici M. serenissimi regis. Arnolfus cancellarius ad vicem Liutberti archicapellani recognovi, et subscripsi. Data XV kl. febr. Anno dominicae incarnationis DCCC⁰LXXX⁰II⁰. Indictione X. Anno VI⁰ Hludouici serenissimi regis. Actum Franconofurt palatio regio, in dei nomine, feliciter. Amen.